



INATISARTUNI

Partii Inuit
Randi Broberg

UPA 2014/42-1
9.4.2014

Inuit ilinnarnertuutut allamilluunniit ilinniakkamik naammassinissimanermikkut oqaluttariarsornikkut allattariarsornikkullu tuluttoorsinnaasut qanoq meeqqat atuarfiini, piareersarfinni, sunngiffimmi ilinniartitaanerni suliffissaaleqisunulluunniit pikkorissarnerni tuluttut ilinniartitsisut atorneqarsinnaanersut pillugu Naalackersuisut nassuiaammik saqummiussinissamik peqquneqarnissaannik Inatsisartut aalajangiiffigisassaattut siunnersuut. Nassuiaat kingusinnerpaamik 1. august 2015 Inatsisartunut agguanneqassaaq.
(Inatsisartunut ilaasortaq Ruth Heilmann, Siumut)

Ruth Heilmann, Siumut siunnersuutaa ataatsimut isigalugu Partii Inuiniit tapersersornartipparput, aammalu Naalackersuisup akissutaani tunngavilersuutit paasilluarlugit.

Partii Inuiniit, tuluit oqaasiisa nunatsinni nukittorsarneqarnissaat isumaqatigilluinnarparput. Allaallu piffissami qanittumi danskit oqaasiinut taarsiullugit tullinngortinneqariartuaartinneqarnissaat pissusissammisoortillutigu.

Taamaammat siunnersuuteqartoq isumaqatigaarput immikkut iliuuseqarnikkut tuluttut ilinniartitsinerput ilinniartitsisunillu nukittorsaanissarput nalilersuiffigeqqittariaqaripput.

Inuttut oqaatsivut salliutillugit nukittorsartuarumavagut, taamaattoq aamma nunarsuarmioqataaleriartuinnarnitta aqqani tuluit oqaasii nukittorsartariaqarpagut, oqaatsivut sanngiillisinngikkaluarlugit.

Nunarput avataaniit isigineqaleraluttuinnartillugu, uagullu inuiattut avammut ammaraluttuinnartilluta tuluit oqaasiinut pikkorinnerunissarput saneqqussinnaangilarput.

Taamaammat siunissarput eqqarsaatigalugu inuiattut aqqissuussaansinnit imminut akilersinnaasutut isigisarput tassaavoq oqaatsivut nukittunerulersissallugit, aappaatullu tuluit oqaasii taamatutaaq nukittorsassallugit.

Taama oqaaseqarluta siunnersuut akuersaarlugu ataatsimiisitaliamut ingerlateqqinneqarnissaa taperserlugu nalunaarutigaarput.

